



# Shu aziz VATAN — barchamizniki!

# ЎЗБЕКИСТОН ОВОЗИ

• 2011-yil, 13-avgust. Shanba • 95 (31.371) Ijtimoiy-siyosiy gazeta • 1918-yil 21-iyundan chiqa boshlagan • www.uzbekistonovozi.uz

## Буюк ва муқаддассан, мустақил Ватан!



**Жорий йилнинг биринчи ярмида ҳудудий дастурларга мувофиқ 520,2 минг янги иш ўрни, шундан 67,8 фоизи қишлоқ жойларда ташкил этилади.**

**Ўртача иш ҳақи ва пенсияларнинг барқарор ўсиши сақлаб қолинди ҳамда ўтган йилнинг биринчи ярмига нисбатан тегишли равишда 28,1 ва 24,5 фоизга ошди.**



### Ўзбекистон Республикаси Олий Мажлиси Сенати Кенгашининг кенгайтирилган мажлиси тўғрисида АХБОРОТ

■ 2011 йил 12 августда Ўзбекистон Республикаси Олий Мажлиси Сенати Кенгашининг мажлиси бўлиб ўтди.

Мажлисни Олий Мажлис Сенатининг Раиси И.Собиров олиб борди. Кенгаш Ўзбекистон Республикаси Олий Мажлиси Сенатининг олтинчи ялпи мажлисини шу йил 26-27 августда Тошкент шаҳрида чақириш ҳақида қарор қабул қилди. Сенат ялпи мажлисининг кун тартибига сиёсий ва ижтимоий-иқтисодий ҳаётнинг ҳамма соҳаларини изчил ислоҳ қилиш ҳамда либераллаштиришга, мамлакатимизни демократик янгилаш ва фуқаролик жамиятини ривожлантиришга қаратилган бир қатор Ўзбекистон Республикаси қонунлари киритилмоқда. Бундай қонунлар жумласига тадбиркорлик фаолиятини қўллаб-қувватлаш ва ривожлантиришни ҳамда аҳоли саломатлиги муҳофаза қилинишни таъминлашга қаратил-

ган «Кредит ахбороти алмашинуви тўғрисида»ги, «Банкротлик тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида»ги, «Фаолиятнинг айрим турларини лицензиялаш тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида»ги, «Тадбиркорлик субъектлари фаолиятини текширишлар қисқартirilганлиги муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида»ги, «Алкоголь ва тамаки маҳсулотларининг тарқатилиши ҳамда истеъмол қилинишини чеклаш тўғрисида»ги Ўзбекистон Республикаси қонунлари киради.

(Давоми 2-бетда.)

### ЎзХДП маҳаллий кенгашларида



## Партия ташкилотлари ва депутатлик гуруҳлари

*электорат манфаатини ҳимоя қилишда амалий натижа учун ишлаши зарур*

■ ЎзХДП Наманган, Бухоро, Хоразм ва Фарғона вилоят кенгашларида партия фаолларининг кенгайтирилган йиғилишлари бўлиб ўтди. Уларда Олий Мажлис палаталарининг Қўшма Қарориди белгиланган вазифалар, хусусан, демократик бозор ислохотларини чуқурлаштириш ва модернизация қилиш, «Кичик бизнес ва хусусий тадбиркорлик йили» давлат Дастури ижросини таъминлашда партия ташкилотлари ва маҳаллий Кенгашлардаги депутатлик гуруҳлари иштирокини кучайтириш масаласи муҳокама этилди.

(Давоми 2-бетда.)

### Эътироф

Мамлакатингизга бундан ўн йил аввал келган эдим. Юртингизда турли соҳаларда, жумладан, иқтисодиёт, қурилиш, ахборот технологиялари ва қишлоқ ҳўжалигида рўй берган ўзгаришлар, амалга оширилган кенг кўламли ислохотлар бераётган юксак самараларни кўриб, ҳавасим келганини яширмайман.

Тошкентни сайр қилар эканман, пойтахтингиз кундан-кун чирой очиб бораётганини кўрдим. Айниқса, Мустақиллик майдони ҳар қандай кишини ҳайратта солади. Ям-яшил майдон ва мўъжизакор бинолар кишида ҳавас уйғотади. Мустақиллик ва эзгулик монументи, Бахтиёр она ҳайкали мамлакатингиздаги тинчлик, барқарорлик ва бахтиёрлик, буюк телса-жақка қатъий ишонч тасолидир».

Аҳмад ТАШФИҚ,  
(Сингапур).

### Хабарлар

■ Истиқлолимизнинг 20 йиллигини муносиб кутиб олиш учун ЎзХДП ташкилотлари астойдил ҳаракат қилаяпти.

### «МУСТАҚИЛЛИКНИНГ ЙИГИРМА ЙИЛЛИГИНИ МУНОСИБ КУТИБ ВЛАМИЗ!»

ЎзХДП Амурдари туман кенгаши ташкил этган тадбир «Буюк ва муқаддассан, мустақил Ватан!» шiori остида ўтди.

— Ўтган йигирма йил мобайнида улкан бунёдкорлик ишлари амалга оширилди, — деди туман партия кенгаши раиси Мақсуд Саъдуллаев. — Бу даврда сиёсий партиялар оёққа турди. Бугун кишилар партия сафида туриб ижтимоий ҳаётда фаол иштирок этмоқда. Биз улар билан бирга партиямиз Ҳаракат дастурини ижро этаёмиз. Айниқса, тарғибот-ташвиқот ишларини сифат жиҳатидан янги босқичга кўтариш, тадбирларда илгор сиёсий технологиялар ва ноанъанавий усуллардан унумли фойдаланишга ҳаракат қилаёلمиз.

Тадбирда электорат манфаатига хизмат қиладиган ишлар кўламини янада кенгайтириш лозимлиги алоҳида таъкидланди. **Рейимбой ЎШИМБЕТОВ**

Хонобод шаҳрида ЎзХДП Марказий Кенгаши ва Андижон вилоят кенгаши ўтказган тадбирда мустақиллик йилларида амалга оширилган улкан ишлар ва миллатлараро тотувлик ҳақида сўз юритилди.

Мустақиллик байрами арафасида шаҳарда ободонлаштириш ва кўчаларнинг янгилаштириш ишлари жадал тус олган. Кишилар ҳудудини янада кўркам ва обод этишга астойдил ҳаракат қилмоқда. Улар қаторида 1172 нафар ХДП аъзоси ҳам фидойилик кўрсатмоқда. **Аҳмадилло СОЛИЕВ**

Юқоричириқ тумани «Даулбой» маҳалласида байрамолди тадбир бўлиб ўтди. Унда мамлакатимиз ободлиги йўлидаги улкан бунёдкорлик, ўсиб келган ёш авлодга яратилган шарт-шароитлар ва Ватанга муҳаббат ҳақида фикр юритилди. Тадбирда иштирок этган маҳалла оқсоқоллари тинч ва осуда ҳаёт учун шукрона айтишди. **Латифжон МАНСУРОВ**



## ҚАШҚАДАРЁ: Меҳнат ва меҳрдан яшнаётган диёр

■ Чўққиси оппоқ қорга бурканган тоғлардан сув олган Оқсув дала-лар, боғларга ҳаёт бағишлаб, Шаҳрисабзга етиб келади. Яна бир дарё — Танхоз ҳаракатини секинлаштиради. Китоб туманидан Қорабулоқ ва тоғ сувларини ола Кешқуд олға интилади. Қадим Кеш бағрида қўшилган дарёлар улкан наҳр — Қашқадарёни ҳосил қилади. Дарё — вақт, вақт эса — тақдир. Шу маънода, Қашқадарё — тақдир дарёси. Яшил шаҳар, Зумрад шаҳар номини олган Шаҳрисабз кечмиши ва бугунги дарё тақдири билан туташ ва уйғун.

### ИФТИХОР

Яқинда амаким — 92 ёшга етган Маждид Хидиров «Бир айлантириб келгин», деди. Оқсоқол Иккинчи жаҳон урушида қатнашган, ҳаётнинг оғир-енглини кўрган. У киши Шаҳрисабздаги ўзгаришларни кўра экан, ҳайрат ва қувончини яширмасди. Дарҳақиқат, тараққиёт одимлари салмоқли. Шаҳар — вилоятнинг саноат марказларидан бири. Консерва, пиллачилик, пахта тозалаш кор-

хоналари қаторига қўшилган «Оксарой Текстиль» МЧЖ биргина ўтган йили 25 миллиард сўмга яқин маҳсулот ишлаб чиқарди. Яна юзлаб кичик корхона ва хунармандлар иқтисодга барака киритишмоқда. Ободончилик, қурилишларни айтмайсизми? Бошқасини қўяйлик, қишлоқлар тароватини олинг.

(Давоми 3-бетда.)

Кучли давлатдан — кучли фуқаролик жамияти сари

## КОНЦЕПЦИЯ:

### Тараққиётнинг янги босқичи

⇒ 2

## Уйғоқ қалблар мўъжизаси

Дунёда бола кўнглидан покиза, беғубор ҳеч нарса йўқ. Мурғак қалблар чизаётган бу расмларни ҳали ҳар жиҳатдан мукамал деб бўлмаса-да, уларда болаликнинг ўзгача завқ улашадиган энг гўзал, мусаффо туйғулари уфури турибди.

⇒ 4

«ЎЗБЕКИСТОН ОВОЗИ» — ХИЛМА-ХИЛ ФИКРЛАР МИНБАРИ, СИЗНИНГ МИНБАРИНГИЗ!

Обуна индекси — 220



Хизматлар лицензияланган





